

# DISCOVER

*(Bible Ralchhan)*

## Zirlai - 17 Rawngbawlna Atanga Thanlenna Thuruk

**L**arry chuan Pu Komoris ina Japan thingpui leh chaw an ei tuma an titi chu ngaihnaawm ti taka a ngaihthlak lai chuan, mi sawm dangte chuan an Bible an lo phawrh chhuak a. Amah chu beisei taka enin, Pu Komori chuan hawihhawm tak hian, "kan zirtur chu tunah min tan sak thei tawh mai em?" tiin a han zawt a.

Larry chuan a thingpui chu a hak ðelh a, intihhlim nâna inkawm khâwm emaw a lo inti reng a. Chuvâng chuan engmah han sawi tûr rêng a hre ta lo a ni.

Larry hian a hnathawhna hmun, Japan ramah Kristian English Language sikulah chuan Bible a zirtîr ðîn a. Hêngte hi ngunthlûka ruahman an ni a, chuvâng chuan Bible chungchâng chu awlsam takin a sawi mai ðîn a. Amaherawhchu chawp leh chilha Pathian chanchin han sawi mai chu thil dang daih a ni.

Larry hian Bible thawnthu zawng zawng chu a naupan têt aţangin a hria a, mahse a mimal nunah chuan pawimawhna teh chiam an nei lem lo. Pathian mit hmuha thil diklo nia a hriatte chu a ti fova, chuvâng chuan a in thiarfihlim a ni. Amah pawhin a hriat chian loh Pathian chanchin chu engtin nge midangte a hrilh theih ang le?

Þhutphah dûpah ðuin a ðiante chuan beisei takin an hual khap mai a, chutah zet chuan thu leh hla hmanga an infiamnaah chuan a mualpho ðan dâwn ta mai a. Chutia zâm taka a awm lai chuan, Bible châng a rilruah a lo lang zâwk a, chu chu hriatpui tûra mite hmaa hruai kan nih laia Thlarau Thianghlimin thu sawi tûr min pe ang deuh hian a ni (Luka 12:12). Þhahnemngai taka ðawngţaiin a hriat chhun thawnthu lâ ber, Fapa Tlanbo chanchin chu sawi a tum ta a.

Pathianin a laka kalbote a hmangaihzia a han sawifiah chuan, Larry chuan a rilru tak tak aţangin a sawi tih a in hre chhuak ta a ni. A thusawi chu a tla ða em em a, a damchhunga a hmasa ber atan Larry chuan Pathianin a hmangaihzia a hre ta a ni.

Chumi zân chuan Larry chu a khum sîrah ðingðia ðawngţaiin a tana a tak ni tûr Pathian hnênah chuan a inkawltîr ta a ni. Pathian hmangaihna sawihona chuan dân anga sawina mai ai chuan nasa takin a thawk a ni. Tûnah chuan a rilru luah bertu a ni ta.

1. ISUA CHUAN SAWIHONA ATANGA THANG  
TURIN MIN FUIH A NI.

Vâna a lâwn dâwnin Isua chuan a zirtîrte chu ama aiawh tûrin a ruat a.

**"Thlarau Thianghlim chu in chûnga a lo thlen hunah thiltih theihna in la nei ang; tichuan Jerusalem kuaah te, Judai leh Samari ram khaw tinah te, kâwkil thleng pawhin ka thuhretute in ni ang," Tirkhohte 1:8.**

A zirtîrte chuan Isua bulah kum thum leh a chanve an awm chhûngin a thute dawnga a chetdânte a zirin, a tâwpa a thihna leh thawhlehna thleng an hmu a ni.

**"Chu Isua chu Pathianin a kaitho leh ta rêng a ni, chu chu a hretu kan zain kan ni e," Tirkhohte 2:32.**

Amah zuitute chuan Pentikost nîa an thinlung zawng zawng, a hnêna an pêk veleh Krista chuan Thlarau chaknain an nun chu a tidanglam ta a ni. Krista taksa thawhlehna leh vâna a lâwnna mai ni lovin, thawhlehna zâra chakna an nun tidanglamtu hriatpuitu pawh an lo ni ta a ni. Keini Kristiante pawh hian kan nuna a siamthar lehna chakna kan chan avâng hian Isua thawhlehna hriatpuitute kan ni.

**"Nimahsela Pathian chuan khawngaihna a ngahin a mi hmangaihna nasa tak avâng khân, kan bawhchhiatnate avânga thi kan nih lai meuh pawhin Krista rualin min tinung ve a, (khawngaihna a chhandam in ni ta e,) Krista Isuaah chuan ama rual veka kai thovin, vâh hmunahte ama hnênah min thuttîr ta a; chutichuan hun lo la thleng tûrah te chuan Krista Isuaah hian kan chungah ngilneiin a**

**khawngaihna ngah nasatzia chu a entîr thei ang.” Efesi 2:4-7.**

Kristaah chuan tihnunin kan awm a, chuvângin a khawngaihna ngah nasatzia chu kan lantîr thei a ni. Isua chuan amah zuitute chu mite nuna a tih theih chanchin lawmawm chu khawvêl pumpuia hril darh tûrin a tira, chu hna kan thawhnaah chuan awmpui min tiam bawk a ni.

**“Chutichuan kal ula, hnam tina mi zirtîrah siam ula, Pa leh Fapa leh Thlarau Thianghlim hmingin baptis ula, thu ka pêk zawng zawng pawm tûrin zirtîr rawh u. Ngaiteh u, kei kumkhuain, khawvêl tâwp thleng pawhin, in hnênah ka awm zêl ang.” Matthaia 25:19, 20.**

Chanchin Ṭha Palai kan nih avângin, “Pathian thurûkte chu kawltîrin” kan awm. (1 Kor. 4:1). Chanchin Ṭha thiltihtheihna puangdarhtu nih hi thil vânehithlâk a ni. Bible râlcchân Sikul dintu, HMS Richards chuan vawikhat chu heti hian a ziak a.

“Isua Krista Chanchin Ṭha ngaithlatute thinlunga danglamna lo thleng hi ka mit ngein ka hmu a, a mitena chanchin ṭha an hrilh hmaa Pathian hming leh Krista hming an hriat ngai miah lohna ramahte pawh ka zin tawh ṭhîn a. Hêng mite hi balhna aṭanga fainaa an thlâkthleng puite, bawrhsâwmna lak aṭanga an hrisêlna te, englai pawha thlarau hlauhna aṭanga Kristian nun thlamuanna an neihte pawh ka hmu tawh a ni. Hmeichhe dinhmun tihdanglamnate ka hmu a, ringlo mite aṭanga Kristian diktak chhûngkuate pawh ka hmu bawk a, ram ka tlawhna apiangah nun danglamte ka hmu a, Krista Chanchin Ṭha chu chhandamna tûra Pathian thiltihtheihna a ni tih ka hria a ni. (Rom 1:16). Kohhranin Chanchin Ṭha thuchah a puanna apiangah, mite rilru leh chu chhûngkuaah danglamna a thleng a, hei hi Chanchin Ṭha ngenna

chhangtu apiangte nunah hmuh theihin a lang ṭhîn a ni, tiin.

He hnathawh châkawm takah hian chanvo kan nei theuh va, keini mihring chaklo takte hi Pathianin chanvo bik min pe a, thawhhona hi kan tân ṭhanlenna pawimawh a nih avâng leh kan rinna chu nghet taka a awm reng theih nân, hmanin a awm tûr a ni. Larry-an mak taka a chharchhuah angin, Pathian Chanchin sawina hian amah chu kan hnênah atakin a lantîr bawk a ni. Kan rinna hman chhuahna hian a tam zâwk min dawn tîr ṭhîn. Hriatpuina hian min tiṭhang bawk.

Ṭawngkâaa mite nêen kan sawiho bakah, hêngte hian kan lantîr theih dân kawng ṭhenkhatte chu an ni.

## 2. KAN NUNIN KRISTA KAN ENTIR THEI

Tlangval pakhat chhûngkaw nikhua lo tak aṭanga ṭhanglian chuan, “Ka nu leh pa an nundân ka zirte chuan Pathian nihdân ni miahlo min lo entawntîr a ni; mi a landan ang lo tak min hmangaihtu hi sawi tûr ka la nei ngai lo. Kan vêla mite hian Pathian landân dik tak pe theitu an mamawh tak zet a ni. An landan aṭang pawha Pathian nihna tilang thei mihring ngei hi.

Kan sermon ropui ber chu kan nundân hi a ni fo mai. Miin engzat meuh nge i hriat tih a ngaihven hmain engzat meuh nge ngaihven tih hi an hre hmasa tûr a ni. Chuvângin Petera chuan hetiang hian min ngen a ni.

**"Jentailte zînga in chetzia chu mawi tak ni rawh se, chutichuan thil tisualtute anga an sawichhiat che u kawngah chuan in thil tihṭhat an hmuhte avângin fanin an awm hunah chuan Pathian an chawimawi thei ang. Krista pawh khân a tuarsak che u avângin hetiang ti tûrin koh in ni a sin; a**

**hniaka in zuina tûrin entawn tûr a hnuchhiah che u kha.” 1 Petera 2:12, 21.**

Krista chuan kan tân Kalvaria a tuar tawh avângin tuarna zâra hmangaihna entawn tûr hnai tak kan nei ta a ni. Chu hmangaihna chuan keimahniah midangte hmangaihna a siam chu Krista hnêna ringlote hruaitu ropui tak a ni thei a ni.

### 3. KAN NGAIHTUAHNA AṬANGIN KRISTA CHU KAN THLANG THEI

Vawi tam tak chu kan tân hian khawvel thil te, tisa thil te leh soal thlêmnatea tlûk hi a awl fo ṭhîn. Isua pawh kha keimahni ang bawka kawng tinrênga thlêm, soal erawh chu soal lo a ni. (Heb. 4:15). Engtizia nge mi tam takte hlawhchhamnaa a hlawhtlin? Isua chu thlalêrah khân Setanan rilṭâmna te, chapona te leh rinna te hmangin nasa takin a thlêm a. Mahse Pathian Thu hmangin hlawhtling takin a do lêt a. (Mat. 4:4,7,10). A hma khan a rilru chu Bible thudika tikhatin Krista chu a inbuatsaih tawh a, chu tak chu a ni, indonaa tlanna leh hnehna kan rilrua awm chu. A tlângpuiin kan ngaihtuahnate a luahkhah daih hnuah do kan tum chauh ṭhîn a, awlsam takin min hneh ṭhîn a ni.

Hetiang hi a nih chuan indonaah kan tlawm deuh ziah ang. Amaherawhchu thil chin ṭhînte hi an lo chhuahna taka kan beih chuan kan hlawhtling fo ang, chu chuan ngaihdân min siam thei ang.

**“A suangtuah ang chiah zêlin a ni (mihring hi) a awm ni.” Thufingte 23:7.**

Kristian ṭhanglei chuan vânlam hawiin a ngaihtuah a. An bul vêla harsatnate aiin Pathian chu an dah lal

zâwk ṭhîn. Thil ṭhalote pumpelh tumna mai aiin thil ṭha neih an duhte lamah an inhmang zâwk a ni.

**“Lalpaah chuan lâwm fo rawh u, ... engkimah ṭawngṭai leh dilin, lâwmthu hril tel zêlin, in duhnate chu Pathian hnênah hriattîrin awm zâwk rawh se. Tichuan Pathian thlamuanna, rilru reng renga hriat sen loh khân, in thinlung leh in ngaihtuahnate chu Krista Isuaah chuan a vawnsak ang che u. A tâwp berah chuan unaute u, a dik apiang te, a zahawm apiang te, a duhawm apiang te, a thangmawi apiang te ṭhat reng a awm, fakna reng a awm phawt chuan chung chu ngaihtuah rawh u. In thil zirte, in thil pawmte, in thil hriatte, keimaha in thil hmuhte pawh kha, khang ang kha ti ṭhîn ang che u; tichuan Thlamuanna Pathian chuan a awmpui ang che u.”**  
Filippi 4:4, 6-9.

Kan rilrua kan ngaihtuahte a zir hian, thil tenawm ngaihtuahnah chuan thil tenawm a chhuak a, Pathian Thu ngaihtuahnah chuan Pathian duh zâwng nun a ṭo ṭhîn.

#### 4. KAN LANDAN ATANGIN KRISTA KAN ENTIR THEI

Krista mi a nih angin Kristian chu a landân thlengin a mawihnai tûr a ni a, a hleihluakin engmah a ti tûr a ni lo. Kristian chanchin sawiin Pathian chuan,

**“Chutiang bawkin nangni nupuite u, mahni pasalte thu thuin awm rawh u; chutichuan an zînga tupawhin thu chu awih lo mahsela, thu lovin an nupuite chêtziaa hnehin an awm thei ang, ṭih dêk chung a in chêtze thianghlim enin, in incheina chu pâwnlam incheina: sam phiar te, rangkachak ṭhi**

awrh te, silhfêna inthuum te chu ni lovin thinlunga mihring thurûk chu, rilru thuhnuairawlh leh nunnêm, silhfên chhe thei lova inthuum ni zâwk rawh se, chu chu Pathian mit hmuhin a hlu êm êm a ni. Chutiangin hmâsânga hmeichhe thianghlim Pathian ringtute pawh kha mahni pasalte thu thua awmin an inchei si thîn a.” 1 Petera 3:1-5.

“Chutiang bawkin hmeichheho pawh inthlahdah lo leh inbel lutuk lovin, thuam inchawih tâwkin inchei sela, sam phiarin emaw rangkachakin emaw, tuikep lungin emaw, puan man tam tak tak tein emaw inchei lovin, amaherawhchu (hmeichhia Pathian ngaihsak intite chu in phu tâwkin) thil tihthatin inchei sela ka duh.” 1 Timothea 2:9, 10.

A âwm tâwka inchei leh thawmhnaw inbel hian Krista anna diktak a entîr fo thîn. A hleihluaka pawnlam lanna hian chhûng lamah engteh chiam a awm lo tih a entîr, chuvângin Kristiante chuan thawmhman hak leh inchei dânah a chung chuanga chet an duh lo a ni. Man tam lo, âwm tâwka chetna hian a daih rei zâwk thîn. Duhthusamah chuan kan incheina kan sawi chanchinte ni lovin, kan nihnain mite chu a hîp zâwk tûr a ni. Kan nun hian Isua chu a entîr zâwk a ni.

**"Thuhnuairawlhthe chu an eng a thâwl e, lei hi an la rochung dâwn si a." Matthaia 5:5.**

#### 5. KRISTA CHU KAN CHETDANIN KAN ENTIR

Chanchin Ziaktu, Edward Gibbon-a min hrilh dânin, Galerius-an Persia-ho camp a hneh tum chuan savun ip tleser mai, a khata lungmantam (tukeplung) awm chu sipai rûk ching in a chhar a. A chhartu chuan ip hman tlâk zet mai chuan a kawl tha khiauva, mahse lungman



tam chu a paih vek thung a.

Mi tamtak chu khawvêlin a lang a pauva a pêk theihah e an innghat a, a lehlamah chuan Isua, Lunghlu Mantam chi leh Kristan pêk a tum chatuan lalram chu an thlahthlam si a. Chung mite chu sipai rûkru ai khân an khawlo zâwk a ni. Pheichham chauh hi kan chên thei ni lovin chhandamna pawh kan chên thei a ni. Pathian Thu chuan heti hian min hrilh a.

**“Khawvêl hi hmangaih suh ula, khawvêla thil awmte pawh hi hmangaih hek suh u. Mi tupawhin khawvêl hi a hmangaih chuan Paa hmangaihna amahah a awm lo. Khawvêl thil awm zawng zawng, tisa châkna te, mit châkna te, dam chhûng ropuina lemte hi Paa chhuak a ni lova, khawvêla chhuak a ni zâwk si a. Khawvêl hi a châknate chawpin a boral mêk a ni. Pathian duhzâwng titu erawhchu kum khuain a awm reng ang.” 1 Johana 2:15-17.**

Setana hian mi tichhe thei nasa ber سوالنا hi rangkachak anga hlua mi ngaihtîr leh nun dân ṭhalo ber te chu kan îtah a hleihluaka fakin nasa takin hna a thawk a ni. سوالنا hian khawvêla mi tam berte hmuh tûrin hna a thawk, Engvângin nge TV-a mihur hmêlte hi hmuhnawm ti leh inthlahrûnna nei miah lova kan thlîr mai ṭhin le? Anni anga mi paura, inhnawih rang riai ruai leh hmai mual et ut, zâna khawlaia vak mai mai te hi kan hmu ngai em ni? Anih loh leh, engvângin nge ṭhalai hmêlṭha tak tak, hna rim taka thawk, an nihnaa lâwm tâwk leh hlim tak mai te hian mi zu dawr an bawr luai luai mai le? Hei aia ṭha zâwk tihtûr kan hre lo, ni ta sela, zu aṭang hian eng nge an puak chhuah ang le? Zu dawr aṭanga lehkhâa tuam zu-um khur hlawk hlawka rawn hum chhuakte anpui hi mi dang tumah kan hmu ngai lo.

Hlimnaa kan ruat, min tichhe thei ropui ber chuan mite hmuh leh lawm ber tumah chuan a hlawh ta a ni. Khawvêlin a zawrh apiang hi kan lei tûr a ni lo. Krista chuan engkim thliar hrang thiam tûrin min duh a ni. Rûl anga fing leh thuro anga pawikhawih lova awm tûrin min duh a ni. (Matthaia 10:16 KJV).

**“Ring lo mite nêr rual lo taka nghawngkaw  
bât dunin awm suh u; suahsualna leh felnain engge  
inpâwna an neih?” 2 Korin 6:14.**

Krista chuan kristian lo thiante chu zawng chhuak tûrin min duh a. Inpâwlhona hi kan rinna kan inṭawm ho theihna bulpui ber a ni. Mi i kawmte chuan i nunhluia an kîrtîr leh loh nân che inveng rawh. I awmna hmun a zira i rinna thuhrûk a ṭul chuan i nunah dik lo a awm a ni.

Kan nunna kan lakluh leh in tihhlimna kan thlante thleng hian, kan thlarau nun an khawih a ni. Chutichuan engge kan ngaihtuah thinah hian fimkhur a ṭul a ni. Chuvângin Sâm 101:3 chuan, **“Thil ṭha lo reng reng ka mithmuhah chuan ka dah lovang,” a ti a ni.**

Kan vêla intihhlimnahte hian tharum thawhna leh mipat hmeichhiat lam an tam telh telh ta mai. Engkim mai hmuh theihna khawvêlah kan chenga chutichung chuan thil duhawm tak tak kan la pawh lohte an awm a ni. Lemziakna te, thu leh hla lamah te hian thu dik thuk tak te an haichhuak a, chung te chuan kan rilru chhungril ber an khawih a ni. Tihṭûr nei lova kan awm chuan, thil ṭhalo berten kan rilru an luah mai ang. Hei hi naupangte chungah a dik bîk nghe nghe a ni. Amaherawhchu kan rilruahte hian thil ṭha ber kan thun chuan, thil ṭhalo berte chuan min pawt hniam thei lovang.

Kan chhûngkua leh kan rilrua thil ṭha kan sengluh te chu kan vawn ṭhat chuan chungte chuan kan nun an tibuai lovang. Thil dik te, ngaihsân tlâkte leh thil ṭha fal

bìkah te kan ngaihtuahna kan nghah chuan nasa taka hriatna ṭha kan nei ang. Midang zawng zawng aiin Kristian chuan amah tihlim theitu a ngah a ni.

**“Nangin nunna kawng chu inhriattîr ang a; i hmaah chuan hlima khah liamna a awm a, I kut dinglamah chuan kumkhaw lâwmna tûr a awm a.” Sâm 16:11.**

#### 6. KAN PEK DANIN KRISTA CHU KAN LANTIR

A baptis dâwn ṭêp tihah chuan Pastor HMS Richards chuan a ipteah chuan a thil-ah chu a hmu a, Richards chuan a pawisa chu inthlâkna hmunah a dah theihngihl em ni tia a han zawh chuan, “Ka pocket bu leh kei hian baptisma kan chang dâwn,” a ti ta a. He mi hian Kristian rilru dik tak mite ṭanpuina chu a hmu a ni. Kristiante hi pêkin a tiṭhang a, hei vâng hian Isua pawhin, “Lâk âiin thilpêkin lukhâwng a nei zâwk,” (Tirhkohte 20:35) a ti a ni.

Vâna ro dahnaah chuan engtin nge kan ro kan khâwl ve?

**“Leia sùlrûl leh tuiêkin a ei chhiatnaah rûkruten an reh pawh a, an rûknaah hian in tân rôte khawl khâwm suh u, vânah sùlrûl leh tuiêkin a eichhiat lohnaah, rûkruten an reh pawh a an rûk lohnaah chuan, in tân rôte khawl khâwm zâwk rawh u. I ro awmna apiangah i rilru pawh a awm ang.” Matthaia 6:19-21.**

Ṭhenkhat chuan hausak tumin damchhung hna an thawk a, mahse thil man tlawm thutin emaw hlawhchhamna in emaw a tichhe zova. Amaherawh chu Pathian ram zauna atâna kan pêk chuan chu chuan chatuan hlutna a nei a ni.

Kan neih chin chiah hi kan ta a ni.

**“Leilung leh a chhûnga awm zawng zawng hi LALPA ta a ni a; khawvêl leh a chhûnga chengte nêh hian. Tuifinriat chhûngahte amahin a din a ni si a, Luipui chungahnte pawh a tinghet bawh a. Sâm 24:1,2.**

**“Tangkarua hi ka ta a ni a, rangkachak hi ka ta a ni, tih hi Sipaihote LALPA thuchhuak chu a ni.” Hagaia 2:8.**

Min siam avâng leh kan sual ata a thisena min tlan chhuah avângin a ta kan ni.

**“Mahni ta pawh in ni lova, mana lei in ni tawh asin!” 1 Korin 6:19, 24.**

Kan thil neih engzat hi nge Pathianin min pêk?

**“Thil tlachham angin, mihring kuta rawngbâwl sakin a awm hek lo, amah ngei chu engkim hnêna nunnate, thâwnate thawhnate leh thil zawng zawng petu a ni zâwk e.” Tirhkohte 17:25.**

**“LALPA in Pathian chu hrereng rawh u, sum leh pai dehchhuah theihna petu che u chu amah chu a ni zâwk a sin.” Deuteronomy 8:18.**

Pathian thawhpuitu angin khenbeh a tho leh ta Lalpa chuan Chanchin Ṭha mi dangte hnêna thehdarhpuiah min sâwm a ni.

Chu Pathian hnathawhna atân chuan engzat nge sum leh pai thawh ve tûra min phût?

**“Mihringin Pathian ta chu a rûk sak tûr em ni? Mahse nangni chuan min rûk sak ṭhîn. Nangni erawh chuan 'engahte hian nge kan rûk sak che?' in ti a. Sâwma pakhat leh thilhlanahnte hian. ... Ka inah eitûr a awm theih nân sâwma pakhat zawng zawng chu thawhlawm inah rawn la rawh u. Vân tukverhte chu hawn sak che u in, malsawmna dawn**

**sên rual loh khawp hial ka vur dâwn che u nge dâwn lo, min han fiah teh reng u,' Sipaite LALPA chuan a ti.” Malakia 3:8-10.**

Sâwma pakhat hi kan thawhchhuah hmun sâwma thena hmun khat” a ni (Deut. 14:22; Gen. 28:22). Loneitu emaw dawrkai emaw te tân chuan an thawhchhuah pumpui aṭanga senral paih hnua a la bâng a ni. Kâmding (hlawhnei) te tân chuan an hlawh aṭangin a ni. Sâwmapakhat hi rilru lam a ni, nungchang lam a khawih avâng a ni. Chuvângin sâwma pakhat kan pêk duh loh hian Pathian chu kan rawk a ni. Pathian chu khawvêl leh a chhûnga hausakna zawng zawng hi a neitu a ni a, chu chu a khawngaihna min kilpui ṭhîn a, chu khawngaihna leh ṭhatna a min vûr avâng a kan lâwm zia entîrna a ni baw. Sorkâra chhiah kan pêk emaw, kawng danga pawisa a nih ang chiaha kan tih ang hian Pathian hnêna sâwmapakhat leh pakuaah pawh hian kan rinawm a pawimawh a ni.

He khawvêla Isua a chen lai khân, Farisaite chuan an thlai chin leh a chite thlenga sâwma pakhat an pêk ṭhîn dân a hmu a. An sakhaw kalpui dân pawmpui ni chuang lovin sâwma pakhat pêk dân phung chu Thuthlung Thar hun atân hian a pe a ni.

**“Nangni lekhaziaktu leh Farisai vervêkte u, in chung a pik e. Pudina te, mohuri te, zirate chu sâwmah pakhat in pe ṭhîn a, dân thu pawimawh zâwk felna te, khawngaihna te, rinawmna te chu in ngaihthah si ṭhîn; nimahsela chung chu asin in tih tûr ni, a dangte chu tih ṭhulh chuang lovin,” Matthaia 23:23.**

Sâwmapakhat hi Pathian ta a ni a, Krista hnathawh ṭanpuia, Chanchin ṭha hril nân leh a lo kalleh thuai theihna

tûra a hnathawh he leia tih zawhna atân thawk hman tûr a ni.

**“Chutiang takin, Lalpa chuan chanchin t̄ha hritute chu chanchin t̄ha chu an ei hmuh nân a ruat a ni.” 1 Korin 9:14.**

**“He ram chanchin t̄ha hi hnam zawng zawng hriatt̄irna t̄urin khawvêl zawng zawngah a awm ang, chu mi zawhah chuan tâwpna chu a lo thleng ang.” Matthaia 24:14.**

Thil hlanah hian engzat nge kan pêk ang?

**“Chuvângin unaute hi in hnêna lo kal hmasa a, tlang taka thil pek intiam lâwk kha lo siam lâwk tûra ngen t̄ulin ka ring a ni. Chumi ngei chu lak luih ang lova, tlang taka pêk ang zâwkin peihsaa a lo awm nân. Amaherawh chu chutiang kawngah chuan theh tlêm chuan a ât tlêm bawk ang a, theh tam chuan a ât tam bawk ang. Mitinin ui chung a pe lovin, pêk loh theih loh ang a ngaia pe hek lovin, an thirlunga an tum ang zêlin pe t̄heuh rawh se. Pathian chuan hlim taka petu a ni a hmangaih ni.” 2 Korin 9:5-7.**

Thilpêkte hi mimal tin ngaihdân a tanga pêk an ni. Chanchin T̄ha hrit nân bika hman,



sâwmapakhat bâkah, Chanchin Ṭha tihdarhna hna tanpui nâna hman an ni.

Chanchin Ṭha thehdarhna leh Kristianna kawnga kan ṭhanlen theihna Pathianin mumal taka kan pêk tûra a ruahman a ni. Chuvângin Isua chuan,

**“Pe rawh u, Chutichuan pêkin in awm ang, ṭhahnem ngai taka teh a, beng muka, sawi muka, liam zawih zawihin in mal chungah an pe ang che u. In tehna ngai bawkin an tehsak leh dâwn si che u a,” Luka 6:38.**

Ringtute hian Pathian chu pêkah hnehban chi a ni lo tih hi wawi tam tak an lo fiah tawh a ni.

HMS Riachard-a chuan a thil tawh pakhat heti hian a sawi a. Damchhûnga pawisa khel mi hi ka thusawina inkhâwmah a lo kal ve a. Chu inkhâwmna in lian tak mai hnung lam panga kan pahnih chauha kan inbiakna chu ka theihngihl ngai lovang. “A ipte aṭang chuan Dollar 500.00 (Rs 21,750.00 vêl) hi a rawn phawrh a. Hei hi ka sâwmapakhat hmasa ber a ni,” tiin mi pe ta a. Chu mi chu a dam ṭha vak lova, pawisa khelh chauh lo chu kum 30 emaw 40 emaw chhûng hian engmah thildang tih a nei lova, tichuan, “engtin nge i nun zêl dâwn? ka ti a.” Ani chuan,

“Dollar nga emaw ruk emaw chauh ka nei tawh a, mahse a bang hi chu Pathian ta a ni si a,” a ti a.

“Engnge i tih tak ang?” tiin ka zawt a. “Ka hre lo,” tiin min chhâng a. “Mahse ka sâwmapakhat chu Pathian hnênah ka pe tûr a ni tih erawhchu ka hria, anin mi enkawl dâwn a ni,” a ti a.

“Pathian chuan a enkawl thei meuh mai. A sual simna chu a Chiang a. A ṭul apiang huamin Pathian tân a inpe a, tichuan a kristian nunah chuan a hlim a ni.

Tichuan, a thih thlengin Pathianin a enkawl a ni,” tiin.

Pathian chuan ringtu rinawm zawng zawngte hi hausa vek tûrin a tiam lova. Amaherawhchu min Siamtu chuan damchhûng mamawhte chu min pe dâwn tih hriatchianna kan nei a ni. Krista chuan kan tân eng kim a pe a, keini pawhin a hnênah kan thinlung zawng zawng tûnah hian i pe ve ang u. Midangte hnêna Krista hriattîr lawmawmzia hi hmuchhuak la, A khawngaihnaa than len ropuiziate pawh hriat tum hrâm ang che.

*Kan pa duhtak, Hlim taka nun theihna tûra i thutiam avângin lâwmthu ka hrilh a che. I khawngaihna leh hmangaihna min tiṭhangtu avâng hian i chungah ka lâwm e, ka nun dân aṭang te, ka thil pêk aṭang te leh ka chet dan aṭang te a mite hnêna nangmah neihṭirtu ni tûrin min pui la, keimahah hian Krista chu a nun famkim nêl lo cheng sela, a lo kal hun thlenga inring tûrin min kawh ang che. Chu chu Isua hmingin ka dil e, Amen.*

---

Published by Mizo Conference of Seventh-day Adventists  
Seventh-day Tlang, P.O. Box 097, Aizawl 796 001, Mizoram